


中國方志叢書·華中地方·第四九一號

據
清·侯元棐等修，王振孫等纂
清康熙十二年鈔本
影印

浙江省

德清縣志



成文出版社有限公司印行




10101935

中國方志叢書·華中地方·第四九一號

據清·侯元斐等修，王振孫等纂
清康熙十二年鈔本 影印

浙江省

德清縣志



成文出版社有限公司印行



10101934

中華民國七十二年三月臺一版

德清縣志 共二冊

發行人：黃 成 助

台北郵政信箱二二六〇五號
出版者：成文出版社有限公司

台北郵政 二二六〇五號

台北市杭州南路一段6巷9號3F
電話：三九一六四一六（〇—五線）

印刷者：上林彩色印刷有限公司
台北市大理街 145 號

新聞局出版登記證：局版台業字第一四三號

docsriver 文川网
入驻商家 古籍书城

在文川网搜索古籍书城 获取更多电子书

德
心
清
曠
至
善

德清縣誌序

邑之有誌猶國之有史也國有史而世道之盛衰人物

之升降風俗之隆替皆可按而覆邑有志而紀山川審

陋泥定徭賦昭文獻其以供

朝廷省方肆覲納賈陳詩輶軒之使采風而問俗即古職

方氏之所掌寧有加焉然則邑之有志實與國史相表

裏也洵矣今

聖天子臨御萬邦車書一統國史而外更輯通志蓋將周


攬天下土壤貢賦疆域形勝之勢長慮遠矚所以備一

代制作襄太平文治之隆即成周體國經野之意甚鉅

德清縣志

王序

一朱墨軒珍藏



典也吳興山水清遠名公鉅卿鱗次史冊德清介若水
西南鼎甲魏科聯翩蒸蔚彬彬冠冕淝西蓋允岳清淑之
氣蜿壇而磅礴於斯焉發之然其閒土壤肥瘠民生利
病因革捐益之宜所當亟為搜討者詎非良有司之責
也哉邑令侯君為豫中右族豫固為余舊治之土也雅
悉其節概今來綰綬茲土凡事兢兢惕惕儼奉予敬畏
簡書之意以底於成余惟以清苦持躬凡利於民者罔不
思興病於民者罔不思去而侯君率能奉行之無倦茲
值纂誌之役益固敢踈越延訪者彥講求掌故網羅舊
聞緝定新編其中之闕者補之複者芟之訛者正之清

淆錯者循其緒而條理之以辨謠俗至慎也以綜見聞
至博也以稽世變而觀吏治至周且晰如紋螺也斯誠
詳而有體簡而有要者矣繕錄就竣執卷相示撫圖按
籍指掌粲然庶幾與吳興郡志相得益章予於是樂觀
厥成焉竢將貢諸

天府以供內史彤管之資潤色山龍黼黻之業其與周禮
職方並傳永久昭示來茲則國史之與邑乘分軌同歸
亦猶繁星之繞極祭川之先河也夫 皆

康熙癸丑歲子月上浣之吉

中憲大夫知湖州府事盛京王弘仁題

德清縣志序

二朱墨軒珍藏

德清縣誌序

傳有之天地成而聚於高歸錫於下疏為原谷以導其氣陂唐汚庠以鍾其美山川之在清邑似天地有獨厚焉可謂土之聚而水之鍾矣而比類百則人物正興較勝於他邑是不可以無誌顧誌之於邑戛然難之而實與作史者異史之有五難亦難乎其人爾今

國朝基德以來釐度制量培弊悉蠲爰以紀載詔天下郡國具觀一統維新之盛豈復有所難如史家所云必父子世繼其官猶有所欲書而不得者哉竊稽明永樂中勅夏原吉楊榮等纂修天下郡邑誌未成景泰重修僅

德清縣志序

三朱墨軒珍藏

成未及刻天順始再修刻布尚多闕佚未徧則前此誌
事經紀四朝不可為不難矣而茲者薄海內外立稟朝
廷令甲上貢河嶽之奇下徵名器之守不閱載而天下
郡邑誌俱登入天府卽以清邑言之餘不玉塵之勝備
列丹丘東府司直之才傳流繪素核吏事則戶部中牟
辨風俗則人羨汝南貢賦之期侔於轉轂財貨之生急
於爭時而且蔚乎紀法之維調人文之炳煥以是知歐
陽日厯之疏不煩欬獻守溪臯言諸條并無事咨嗟矣
誌之成也固大異於史詎不一本朝廷耶因考清誌沿
始於宋散佚有年迄明嘉靖方公日乾仝里大夫之賢

者特勤編輯則陳水南先生實主之迨天啟教公榮繼
與先君子互相論定無何相距更歷五紀今

上癸丑主縣事

侯公百度聿興治臻醕備適奉

溫綸重加緝討其載筆從事諸君文藻博雅肆力蒐討舉
百年來政務之得失名公卿之進退暨里巷處士幽女
之佚行分曹而書以上之主者斯裁鑿得衷銓次不爽
試合觀前後譬之鑪鞴在前初則銅山可槌繼之淬液
益精至太阿成而歸功於就鑄者

侯公其區治子歎余備員史館愧無以贊是役也迨縱
德清縣志序

四朱墨軒珍藏

鬱菴林取前之碑銘詞賦芟繁疏穢總別為後勁使吟
攬其中者如登玉塵及吳羗諸峯高高下下葱龍入目
又如浥餘溪之水可嗽可濯欲舞欲歌將山川之獨厚
我邑者我得

公而蓄之彌曜洵乎斯舉之獨盛也矣

賜進士及第翰林院修撰

日講官

起居注壬子科

欽命順天典試正總裁邑人蔡啟傅謹叙

序言

德清隸浙厥邑維中抑何繁而劇歟官斯地者自

皇清鼎定來越三十年卒未聞以奏績去詎人之不地宜

歟抑地之故以阨人歟余於今

上御極之八年奉

命來牧小民謹然上下相軋弗辨也城陘頽然履如康莊

弗禁也官舍蕩然寢興罔蔽風雨也吏胥皇皇泄泄或

以帑金繫或以善訟牽智者奔驕而愚者蹇厄又復比

比也嗟乎清之俗顧可為哉余處不易為之時而強欲

為之事以紛投余以勤應人以偽來余以誠感弗狃於

德清縣志序

五朱墨軒珍藏

利弗遠乎害而清邑向之所為不可為者今且次第若就理也茲值修誌之役蓋

皇上允閣臣請亟欲成一統之觀余因藝香煮茗延邑之薦紳先生并博士弟子員而諮詢焉廣文王君以明經陳子後方蔡子名啟汾份陳子名元堡虞子名徽洎諸生胡子嘉生蔡子詒來徐子元正進曰若而人者皆邑之耆而彥且多聞記不波遂於是非聲華間也余曰賢哉諸子是可觀厥成矣局官署之戶聯床滄硯無黨同無伐異虛公和衷考諸往事參以新編大畧溯源乎陳水南先生之前誌而刪繁增簡遂為得宜如輿地

如宮室如食貨如法制如職官如選舉如治行如人物
如藝文以及雜志列卷凡十分帙維四法例精嚴不晉
不濫僉云信矣而且喜清之俗翻然更新將向之所謂
不可為者今且士古處矣詩書絃歌鏗鏘於里也今且
民安業矣桑麻魚稻作息於野也今且吏懾於法而頑
梗之徒革面亦革心矣舞文控計不知其何以潛然消
也猗興休哉若庚戌之聯鑣而占鼎甲若辛亥之甘露
降於桑疇又非天時人事之協應歟獨是清之地瘠清
之民貧且苦西北之勢盈於山而棗栗新炭之利弗與
焉東南之勢偏於水而圩田賦稅之歛甚重焉所資惟
德清縣志序

六 朱墨軒珍藏

桑惟魚與菱而機絲之直曰絀攫奪之訟繁興是又在
牧茲土者之斟酌愛養耳倘可省一分之誅求不即養
一分之元氣乎余拙於文辭而兼乏治邑才惟是拳拳
此心不敢獲罪於地方復不敢上干乎憲典因於邑誌
之成而循例為是言

康熙十二年歲次癸丑冬十一月吉旦

賜進士文林郎知德清縣事中州侯元棊謹叙

docsriver 文川网
入驻商家 古籍书城

在文川网搜索古籍书城 获取更多电子书

餘不志原序

宋章鑑見邑令

圖志之來尚矣承平既久文物滋備雖遐陬僻壤莫不有之而况畿甸之間乎餘不為邑去天尺五簪紳宦遊慕其山水之秀而居之者比他邑最盛意其習俗薰染典制彬蔚必有可觀予得邑始上求所謂圖志者而史以錄本至魯魚亥豕不勝其舛及既視事珥筆者羅於庑抱案者環於屏剔蠹掃滯務盡其勤雖食息且不暇於是拊几自嗤曰是無恠乎前人不是之急也然予畧究邑之顛末自武康析為武源繼改臨溪又改德清而後定縣多古跡如坡仙之來游東萊之寓讀班班僅見德清縣志原序

七朱墨軒珍藏

而失於文字之無稽及舉罷志所載與邑之壁記參之
至以韋肅為韋肅陳恙為陳恙華莘為華莘初虞昌為
虞初昌姓名且不復辨至於義庄有碑為米一百六十
二石有奇用以賑荒詢之吏則茫然不知再詰之則曰
入之義倉耳目所及尚如此其他從可知矣失真難訂
傳訛易承繼今不圖益重來者之恨撥治斯暇刊而正
之資識見之該博者纂其書哀用度之贏餘而付之版
定誤增畧別吏治之美由食貨而知物產之宜貢賦之
則於是而知官制之網維選舉之効用也於是而知人
物之炳秀藝文之擅華也存百世之永觀昭一邑之信

典揚既往之休蹟裨將來之美化是則凡有周咨之責者必將觀覽於斯而好古之士用以為博雅之助亦不能外矣抑嘗聞之古之九州之誌謂之九丘周官外史掌四方之誌則是物也自秦人廢先王之制史官掌故其存者無幾然後世罷縣相沿而有誌則固四方之舊焉夫誌何為者也備觀風俟太史詔世信遠將於是乎在然則續金匱之書演石渠之作考職方而攬人文參異同而決疑信遐方僻邑之編會將偕計書而進蘭臺之几芸閣之庋其登也當有日矣是斯誌雖一邑之書而實天下之公案信史之張本也走不佞謹序以需

德清縣原序

八朱墨軒珍藏

德清縣誌原序

明方日乾覲邑

德清之東有溪焉其水清澈自餘則不緣是餘不得名予始上而索誌於邑得宋人所為本則誌以溪名者古矣顧其書銓寔失倫激勸無法東都以前失之疎而南渡以後失之駁迨天水淪竭亦復絕編矣嗟乎宋而元元而明上下幾三百年而怠弛相仍靡知有作其沿者莫適而原其起也其革者莫適而究其廢也其典章無可考而獻賢無所見也摭逸遺而備考按發湮鬱而事宣襮不亦今日之當務歟走不敏承之邑事稽鈎之弊神奔赴之迫懷少休而謁刺入簾甫出而吏牘委案爬

德清縣志原序

九朱墨軒珍藏

焚抉經五枝殫窮是將來免乎吏譏且不可得如文事
何然則違乎雅而趣乎俗固無怪也既三年凡百粗理
委積漸減於是以其餘隙集大夫之里居者而請蒐輯
焉表信以剔浮進經以黜誕勒卷凡九分帙維四蓋首
尾不四月而三朝放軼萃為成書吁亦勤矣嘗得而盡
閱之義例精條貫整抑揚去取具有法度由輿地而知
山川風土之詳由宮室而知府署邑居之繁由職官而
知品流之釐為上下卷卷各有目雖不敢自謂編次之
備尚庶幾他日有考焉後之與我同志者嗣而廣之或
可傳不朽云

重修德清縣誌序

明 敖榮繼見邑令

邑之有誌則邑之小史也清之無誌則清之缺典也自嘉靖初方公日乾始修之雖言鼻祖宋誌然以述為作之功不可誣矣迺至今若干載通無有續而修之者幾於絕筆能無文獻不足之懼乎此繼甫來清百事未遑盡舉獨是役為兢兢幸藉諸名賢之力刻日竣事時初請秉筆為之祭酒者則銓部韞先祭奕琛先生也若分纂互相論定者則廣文陳其衷姜可望談嘉虞孝廉嵇之楚沈冰鑑金玉鉉章日灼文學戴賓蔡演疇丁用霖虞時雨潘孟春金鏡心胡公綫許元釗等諸君也後因德清縣誌原序

十朱墨軒珍藏

蔡銓部力辭與其事繼始不得不僭有所短長以相印
證無非欲成一代之信史繼董狐之直筆不然豈瓦缶
敢與黃鐘爭鳴哉然孔子於春秋曰其義則丘竊取之
矣今日於此誌義亦何耶取大抵以清之為清山環而水
駛容谷少而桑多民亦近人可喜自有一二敗類為崇
遂視舉邑皆頑矣賦亦按期易徵自為歷年包猾所漁
遂稱積逋淵藪矣其實俗固好修士多奇行特惜有治
地無治人耳第治何容易必知其沿革建置之由然後
可修政立事也必知其山川風土之詳然後可經畫化
導也必知其吏治人物之臧否然後可不避作人也必

知其選舉彙征之日盛然後可避不作人也藉令茫然
不辨問一邑之事且弗知所對尚欲以函莽奏功得乎
用憶宋司馬光祖史記之法而編為資治通鑑以資國
家之治安知茲誌也不可為資治通誌以資一邑之治
否此則今日修誌之義繼先以之為發覆而思以印證
於後來君子云

德清縣志原序

士朱墨軒珍藏

德清縣誌凡例

一縣自宋嘉熙間邑令章公鑑始作餘不志以縣臨餘不溪也歷三百餘年入明嘉靖初邑令方公日乾修之更曰德清縣誌後天啟閒邑令教公榮繼重修迄今

國朝百務聿新重以

綸音擇儒纂輯酌古準今實兢兢焉

一周禮土訓之掌以道地圖職方隸之是名輿地繼之而有邑作公私鱗庇五官攸興宮室食貨差次而設所宜然矣至若物麗於則上者因之此之謂

德清縣志

凡例

一宋墨軒珍藏

法守當其經守者副焉用秩以官爾廼羅甲乙之
料咨循牧之軌名賢繼躅紛班營籍而後賦誦聿
陳比類而登之藝文之所由肆也餘則雖細曲必
條觀止矣

一賦役科額今昔不同利弊尤異前代惟照舊誌開
載而近歲則據全書編敘其時有加派及本縣裁
省者亦兼錄

一城市鄉都各有官地為私家所侵佃者不一處年
代繇遠難以規復然亦不敢遽泯其跡謹於其處
各書所自以見存羊之意云

docsriver 文川网
入驻商家 古籍书城

在文川网搜索古籍书城 获取更多电子书

一從來祠名宦祠鄉賢者各列行實於別傳其碑記
詳載藝文誌至未進祠者官師照來任叙述紳袍
照選舉叙述亦或散見於治行人物傳中
一人物必待蓋棺事定百年論公至孝義烈自舊誌
外有

朝廷旌表 各憲褒獎者悉為闡揚如未經詳請雖有

奇節奉 憲諭不敢遽錄

一祠廟寺觀必係合祀典者有勅建古額者書之其
福庇邑民禮不可廢亦增入若淫祠私祀者否

一凡碑記詩詞散附各處者每易眩人觀覽今悉選

德清縣志

凡例

二末墨軒珍藏

載藝文誌亦或刪去一二其近有著述題詠係重

本邑者并採錄

一遵 令纂輯上以敷揚

聖治下以紀載文獻原古證今兢兢刑定克底成之今

上之 各憲貢之

朝廷第慮日後狐鼠作奸賄匠改竄以致官師私溷淆

虛實罔據今將各卷字數列之簡端以垂永久如

嗣本與原刻異同定依律治罪